


სატენდერო დოკუმენტაცია



საფინანსო
ანალიტიკური
სამსახური

2014 წელი

ქ. თბილისი

ს ა რ ჩ ე ვ ი

1. ინსტრუქცია ტენდერში მონაწილეობისთვის _____ 3 გვ.
2. ტექნიკური დოკუმენტაცია _____ 4 გვ.
3. სახელმწიფო შესყიდვის შესახებ ხელშეკრულების პროექტი _____ 5 გვ.
4. დანართი №1- რეკვიზიტები _____ 8 გვ.
5. დანართი №2- ფასების ცხრილი _____ 9 გვ.

1. ინსტრუქცია ტენდერში მონაწილეობისათვის

1. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ 2011 წლის 7 აპრილის სახელმწიფო შესყიდვების სააგენტოს თავმჯდომარის N9 ბრძანებით დამტკიცებული გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის (შემდგომში – „წესი“) შესაბამისად.

2. წესის მოქმედება ვრცელდება გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის მეშვეობით სახელმწიფო შესყიდვის განხორციელებაზე.

3. სახელმწიფო შესყიდვის ელექტრონული საშუალებით განხორციელებისათვის სავალდებულოა შესყიდვების ერთიანი ელექტრონული სისტემის გამოყენება.

4. სახელმწიფო შესყიდვების ერთიანი ელექტრონული სისტემა – სააგენტოს ოფიციალურ ვებგვერდზე www.procurement.gov.ge განთავსებული სახელმწიფო შესყიდვების პორტალი, რომელიც უზრუნველყოფს სახელმწიფო შესყიდვის განხორციელებას გამარტივებული ელექტრონული ტენდერის ან ელექტრონული ტენდერის მეშვეობით ღია, გამჭვირვალე და კონკურენტულ გარემოში (შემდგომში – სისტემა).

5. ამ წესით განსაზღვრულ პროცედურებსა და სახელმწიფო შესყიდვების ერთიან ელექტრონულ სისტემაში არსებულ პროცედურებს შორის შეუსაბამობის წარმოშობის შემთხვევაში უპირატესობა ენიჭება სისტემაში არსებულ პროცედურებს.

6. სატენდერო წინადადების წარგენა შესაძლებელია მხოლოდ სისტემის მეშვეობით აფიდავიტის პირობებზე დათანხმების, ელექტრონული გარანტიის წარდგენისა და საფასურის გადახდის შემდეგ, ამ პუნქტში გათვალისწინებული თანმიმდევრობით.

7. ელექტრონული გარანტიის ოდენობა შეადგენს შესყიდვის ობიექტის სავარაუდო ღირებულების 1 (ერთი) პროცენტს. ელექტრონული გარანტიის მოქმედების ვადა უნდა განისაზღვროს შემდეგნაირად:

ა) ელექტრონული გარანტიების რეესტრის მეშვეობით გაცემული ელექტრონული გარანტიისათვის გამარტივებული ელექტრონული ტენდერის შემთხვევაში – არანაკლებ 120 კალენდარული დღით, წესის მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპიდან;

ბ) ელექტრონული გარანტიების რეესტრის მეშვეობით გაცემული ელექტრონული გარანტიისათვის ელექტრონული ტენდერის შემთხვევაში – არანაკლებ 160 კალენდარული დღით, წესის მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპიდან;

გ) იმ შემთხვევაში, თუ ელექტრონული გარანტია წარდგენილია საბანკო პლასტიკური ბარათიდან სააგენტოს ანგარიშზე თანხის გადარიცხვის გზით, სისტემა ავტომატური საშუალებების გამოყენებით უზრუნველყოფს ელექტრონული გარანტიის მოქმედების ვადას შესაბამისი ტენდერისათვის საბოლოო სტატუსის მინიჭებამდე.

8. წინადადების წარდგენისათვის საფასურის ოდენობა შეადგენს 50 ლარს.

9. ელექტრონული გარანტიის წარდგენა და საფასურის გადახდა ხდება ტექნიკური დოკუმენტაციის სისტემაში ატვირთვამდე.

10. წინადადების წარდგენის დროს პრეტენდენტმა პირველ რიგში სისტემაში უნდა ატვირთოს ტექნიკური დოკუმენტაცია, რომელიც უნდა შეიცავდეს წარმოდგენილი შესყიდვის ობიექტის ტექნიკურ და ხარისხობრივ აღწერას. ამის შემდეგ პრეტენდენტმა სისტემის შესაბამის ველში უნდა მიუთითოს წინადადების ფასი (ეროვნულ ვალუტაში), რომელიც არ უნდა აღემატებოდეს შესყიდვის ობიექტის ღირებულებას ან უნდა იყოს შესყიდვის ობიექტის სავარაუდო ღირებულებაზე სულ მცირე ერთი ბიჯით ნაკლები. ტექნიკური დოკუმენტაციის ატვირთვისა და წინადადების ფასის მითითების შემდეგ, დაუშვებელია ატვირთული ტექნიკური დოკუმენტაციის შეცვლა, დამატება, გაუქმება ან წაშლა.

11. წინადადების წარდგენისთანავე პრეტენდენტს სისტემის მეშვეობით ეძლევა საშუალება მონაწილეობა მიიღოს ელექტრონულ ვაჭრობაში. ძირითადი დროის განმავლობაში შესაძლებელია წინადადების ფასის შეცვლა კლებადობის პრინციპის მიხედვით. წინადადების ფასის ყოველი შემდგომი შემცირება უნდა მოხდეს პრეტენდენტის მიერ წინა შეთავაზებულ ფასთან მიმართებაში, არანაკლებ ბიჯით განსაზღვრული ოდენობისა.

12. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში პირველ შეთავაზებას აკეთებს ის პრეტენდენტი, რომელმაც ძირითად დროში ყველაზე მაღალი წინადადების ფასი დააფიქსირა, ხოლო ყოველ მომდევნო რაუნდში – ის პრეტენდენტი, რომელმაც წინა რაუნდში ყველაზე მაღალი წინადადების ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში პირველ შეთავაზებას აკეთებს ის პრეტენდენტი, რომელმაც ბოლომ დააფიქსირა ასეთი ფასი. დამატებით რაუნდებში მონაწილეობა სავალდებულო არ არის.

13. სატენდერო წინადადების ფასის კლების ბიჯი – შემსყიდველი ორგანიზაციის მიერ სატენდერო განცხადებაში მითითებული თანხა შესყიდვის ობიექტის სავარაუდო ღირებულების 0.4 პროცენტიდან 2 პროცენტამდე ოდენობით (შემდგომში – ბიჯი)

14. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

15. დაუშვებელია ალტერნატიული წინადადების წარმოდგენა.

16. სატენდერო დოკუმენტაციასთან დაკავშირებული განმარტების მიღება შესაძლებელია სისტემის მოდულის – „კითხვა/პასუხი“-ს მეშვეობით.

17. შესყიდვის პროცედურების შესახებ ინფორმაციისა და განმარტების მიღება შესაძლებელია სატენდერო კომისიის აპარატში, საკონტაქტო პირი: პაატა მკერვალიშვილი p.mkervalishvili@mof.ge, გიორგი მარგებაძე g.margebadze@mof.ge, ტელ: 2261656, 2261072

2. ტექნიკური დოკუმენტაცია

2.1 ანგარიშსწორების პირობები:

2.1.1 შესყიდვის სავარაუდო ღირებულება შეადგენს 100000.00 (ასი ათასი) ლარს.

2.1.2 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.1.3 ანგარიშსწორება მოხდება უნაღდო ანგარიშსწორებით ლარში.

2.1.4 ანგარიშსწორება მოხდება საავანსო ანგარიშსწორებით.

2.1.5 ანგარიშსწორება განხორციელდება მიმწოდებლის მიერ წარმოდგენილი შესყიდვის ობიექტის ღირებულების 100%-იანი საავანსო საბანკო გარანტიის საფუძველზე, აღნიშნული საავანსო საბანკო გარანტიის წარმოდგენიდან 10 დღის განმავლობაში. საავანსო საბანკო გარანტიის მოქმედების ვადა 30 (ოცდაათი) დღით უნდა აღემატებოდეს ხელშეკრულებით გათვალისწინებული საქონლის მიწოდების ვადას.

2.1.6 საავანსო საბანკო გარანტია მიმწოდებლის მიერ წარმოდგენილ უნდა იქნეს ხელშეკრულების გაფორმებიდან 10 დღის განმავლობაში.

2.2 შესყიდვის ობიექტის ტექნიკური დავალება:

შესყიდვის ობიექტი და CPV კოდი	შესყიდვის ობიექტის მახასიათებელი	განზომილების ერთეული	რაოდენობა
ოპერატიული მეხსიერება UCS სერვერებისათვის UCS-MR-1X162RZ-A (თანმდევი მომსახურება ინსტალაციით) 30236110	16GB DDR3-1866-MHz RDIMM/PC314900/dual rank/x4/1.5v	ცალი	128

2.3 შესყიდვის ობიექტის მიწოდების ვადები და პირობები:

2.3.1 64 (სამოცდაოთხი) ოპერატიული მეხსიერება UCS სერვერებისათვის UCS-MR-1X162RZ-A-ს მიწოდება (თანმდევი მომსახურება ინსტალაციით) უნდა განხორციელდეს მისამართზე: ქ. თბილისი გორგასლის ქუჩა №16. სსიპ საფინანსო-ანალიტიკური სამსახურში, ხოლო 64 (სამოცდაოთხი) ოპერატიული მეხსიერება UCS სერვერებისათვის UCS-MR-1X162RZ-A-ს მიწოდება (თანმდევი მომსახურება ინსტალაციით) უნდა განხორციელდეს მისამართზე: ქ. რუსთავი, წითელი ხიდის გზატკეცილი 21-ე (ოცდამეერთე) კილომეტრი სსიპ საფინანსო-ანალიტიკური სამსახურის სასერვერო;

2.3.2 საქონლის მიწოდება უნდა განხორციელდეს ხელშეკრულების გაფორმებიდან 60 (სამოცი) დღის განმავლობაში;

2.3.3 ოპერატიული მეხსიერება UCS სერვერებისათვის UCS-MR-1X162RZ-A ინსტალაციით უნდა განხორციელდეს ისე, რომ არ მოხდეს UCS სერვერების მწარმოებელი კომპანიის (Cisco) მიერ გაცემული საგარანტიო პირობების დარღვევა ან/და გარანტიის გაუქმება.

2.4 შესყიდვის ობიექტის საგარანტიო ვადები:

მოწოდებულ საქონელზე საგარანტიო ვადა უნდა შეადგენდეს, მიღება-ჩაბარების აქტის გაფორმებიდან 1 (ერთი) წელს.

2.5 პრეტენდენტის მიერ სისტემაში ასატივრთი მონაცემები:

2.5.1 პრეტენდენტმა უნდა წარმოადგინოს რეკვიზიტები დანართი №1-ის მიხედვით.

2.5.2 საქონლის ფასების ცხრილი დანართი №2-ის მიხედვით.

2.5.3 ინფორმაცია მოსაწოდებელის საქონლის მწარმოებელი ქვეყნის, მოდელისა და მისი მახასიათებლების შესახებ.

2.5.4 ინფორმაცია მოსაწოდებელი საქონლის მიწოდების ვადების შესახებ.

2.5.5 პრეტენდენტმა უნდა წარმოადგინოს UCS სერვერების მწარმოებელი კომპანიის (Cisco) მიერ გაცემული დოკუმენტი/წერილი ან/და მწარმოებელი კომპანიის (Cisco) ვებ გვერდზე მოცემული ინფორმაცია შემოთავაზებული ოპერატიული მეხსიერების ნებადართულობის/თავსებადობის შესახებ არსებულ UCS სერვერებისთვის.

2.5.6 მწარმოებლის ავტორიზაციის წერილი (MAF)

2.6 იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის მოთხოვნის შემთხვევაში, მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა.

სახელმწიფო შესყიდვების შესახებ ხელშეკრულების პროექტი

ქ. თბილისი

2014 წელი

სსიპ საფინანსო-ანალიტიკური სამსახური, წარმოდგენილი _____ სახით (შემდგომში „შემსყიდველი“) და _____ (შემდგომში „მიმწოდებელი“), წარმოდგენილი _____ სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
3. „დღე“, „კვირა“, „თვე“ - კალენდარული დღე, კვირა, თვე.
4. „შემსყიდველი“ - ორგანიზაცია, რომელიც ახორციელებს შესყიდვას.
5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
6. „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

წინამდებარე ხელშეკრულების დანართი N1-ით განსაზღვრული ოპერატიული მეხსიერების მიწოდება (თანმდევი მომსახურება ინსტალაციით). (CPV30236110)

3. ხელშეკრულების ღირებულება

1. ხელშეკრულების საერთო ღირებულება შეადგენს _____ ლარს.
2. საქონლის ღირებულება მოიცავს როგორც გასაწევი საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
4. საქართველოს სამოქალაქო კოდექსის 398-ე მუხლით გათვალისწინებული პირობების დადგენის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

4. მხარეთა ვალდებულებები

1. მიმწოდებელი ვალდებულია:

ა) უზრუნველყოს 64 (სამოცდაოთხი) ოპერატიული მეხსიერება UCS სერვერებისათვის UCS-MR-1X162RZ-A-ს (თანმდევი მომსახურებით - ინსტალაციით) მიწოდება შემდეგ მისამართზე: ქ. თბილისი გორგასლის ქუჩა №16 (სსიპ საფინანსო-ანალიტიკურ სამსახურში), და 64 (სამოცდაოთხი) ოპერატიული მეხსიერება UCS სერვერებისათვის UCS-MR-1X162RZ-A-ს (თანმდევი მომსახურებით - ინსტალაციით) მიწოდება შემდეგ მისამართზე: ქ. რუსთავი, წითელი ხიდის გზატკეცილი 21-ე (ოცდამეერთე) კილომეტრი სსიპ საფინანსო-ანალიტიკური სამსახურის სასერვერო წინამდებარე ხელშეკრულების ძალაში შესვლიდან _____ დღის განმავლობაში დანართი N1-ის შესაბამისად; განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;

ბ) ხელი შეუწყოს შემსყიდველს ინსპექტირების განხორციელებაში.

გ) ხელშეკრულების ძალაში შესვლიდან 10 (ათი) დღის ვადაში წარუდგინოს შემსყიდველს შესყიდვის ობიექტის ღირებულების 100%-ის ოდენობის საბანკო გარანტია;

დ) განახორციელოს ამ ხელშეკრულებითა და მოქმედი კანონმდებლობით მასზე დაკისრებული სხვა ვალდებულებები.

2. შემსყიდველი ვალდებულია:

ა) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი

მიწოდებული საქონლის ხარისხი უნდა შეესაბამებოდეს დადგენილ სტანდარტებს.

6. ხელშეკრულების შესრულების კონტროლი

1. შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ხელშეკრულების მოქმედების მთელ პერიოდზე.

2. ხელშეკრულების პირობების შესრულების კონტროლს განხორციელებენ შემსყიდველის მიერ განსაზღვრული პირი ან/და პირთა ჯგუფი, ან კონკრეტულ შემთხვევებში მხარეთა შეთანხმებით შესაძლებელია მოწვეულ იქნეს სპეციალური ცოდნის მქონე სპეციალისტი (ექსპერტი).

3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული საქონელი, მიწოდებული ვალდებულია წერილობითი შეტყობინებიდან ----- დღეში გამოსწოროს წუნი, იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს საქონლის ღირებულება დაუბრუნოს შემსყიდველს აღნიშნული წუნდებული საქონლის ღირებულება

7. მიღება-ჩაბარების წესი

1. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით.

2. საქონლის მიღებას აწარმოებს: სსიპ საფინანსო-ანალიტიკური სამსახურის ადმინისტრაციული დეპარტამენტის უფროსი **ჯაბა ხმაღამე**.

8. ანგარიშსწორება

1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

2. შემსყიდველი იღებს ვალდებულებას გადაუხადოს მიმწოდებელს მიწოდებული საქონლის ღირებულება მიღება-ჩაბარების აქტის გაფორმებიდან 20 (ოცი) დღის განმავლობაში. თუ ანგარიშსწორების დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

9. ხელშეკრულების შესრულების შეფერხება

1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

1. ხელშეკრულებით მე-4 მუხლის პირველი პუნქტის „ა“ ქვეპუნქტით გათვალისწინებული ვადების გადაცილების შემთხვევაში მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების ____ %-ის ოდენობით.

2. ხელშეკრულების მე-6 მუხლის მე-3 პუნქტით განსაზღვრული ვადის გადაცილების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების ____ %-ის ოდენობით.

3. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

4. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

12. საავანსო საბანკო გარანტია

1. მიმწოდებლის მიერ წარმოდგენილი შესყიდვის ობიექტის ღირებულების 100%-ის ოდენობის საავანსო საბანკო გარანტია, შემსყიდველის მიერ შეიძლება გამოყენებულ იქნეს, იმ შემთხვევაში თუ მიმწოდებელი ვერ უზრუნველყოფს ხელშეკრულებით ნაკისრი ვალდებულების შესრულებას საავანსო საბანკო გარანტიის მოქმედების ვადის გასვლამდე.

2. საავანსო საბანკო გარანტიის მოქმედების ვადა 30 (ოცდაათი) დღით უნდა აღემატებოდეს ხელშეკრულებით გათვალისწინებული მომსახურების გაწევის ვადას.

13. დავების გადაწყვეტა

1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

2. თუ ასეთი მოლაპარაკების დაწყებიდან 5 (ხუთი) დღის განმავლობაში მხარეები ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს კანონმდებლობით დადგენილი წესით.

14. ხელშეკრულების შეწყვეტა

1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

15. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს _____ ჩათვლით.

16. სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო მეორე - შემსყიდველს.

17. მხარეთა რეკვიზიტები:

შემსყიდველი

მიმწოდებელი

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ბანკის კოდი:

ანგარიშსწორების ანგარიში:

ფასების ცხრილი

შესყიდვის ობიექტის დასახელება	რაოდენობა (ცალი)	ერთეულის ფასი (ლარი)	საერთო ღირებულება (ლარი)
ოპერატიული მეხსიერება UCS სერვერებისათვის UCS-MR-1X162RZ-A (თანმდევი მომსახურება ინსტალაციით)	128		

პრეტენდენტის დასახელება _____

პრეტენდენტის ხელმოწერა _____